

## یحییٰ راه ره هموار کاندہ

۳ ۲۲ در پانزدهمین سال فرمانروایی تیرییوس قیصر، اون زمان که ئنتیوس پیلاتس فرماندار یهودیه بی‌یه، هیرودیس حاکم جلیل، و ونه برار فیلیپس حاکم ایتوریه و تراخونیتس، لیسانیوس حاکم آبلینی، ۲ و حنا و قیافا کاهنان اعظم بینه، کلام خدا در بیابون بر یحیی، زکریا ریکا نازل بیه. ۳ پس یحیی به سرتاسر نواحی اردن شی‌یه و مردمسه موعظه کارده که توبه هاکنند و تعمید بیرین تا شیمه گناه بخشیده بووه. ۴ در این باره در کتاب اشعیای نبی بی‌یموهه که:

«صدای اون کس که بیابون دله داد کَشینه که

راه ره خداوند وسّه آماده هاکنین!

مسیر و ره هموار بسازین!

۵ همه دره‌ها پر، و همه کوه‌ها و تپه‌ها پست و ونه

راه‌های کج راست و مسیرهای ناهموار هموار و ونه.

۶ اون لحظه تیموم مردم نجات خدا ره ویتّه. <sup>a</sup>

۷ یحیی به مردمی که تعمید بییتسه ونه پلی امونه، بائوته: «ای افعی زاده‌ها، کی شما ره آگاه بساته که از غضبی در پیش ذره، فرار هاکنین؟» ۸ پس اون میوه‌هایی که لایق توبه هسه، بیارین و شه پلی نایرین که: «آمه پی پر ابراهیم هسه، پس امانت ره داریمی! اینسه که شما ره گامبه، که خدا قادر هسه این سنگا جه وچه‌هایی ابراهیمسه درست هاکنه. ۹ الان تیشه بر ریشه دارها بزوهه بیه. هر داری که خار میوه نده، بوریه و ونه و تشه دله دَشینه و ونه.»

۱۰ مردم ونجه بیرسینه: «پس چکار ونه هاکنیم؟» ۱۱ یحیی جواب هادا: «اون که دتا جمه دارنه، اِتا ره هاده به اونتا که نِدارنه. و اونکه غذا دارنه هم، اینتی هاکنه.» ۱۲ باجگیرون هم بی‌یمونه تا تعمید بیرند. ونجه بیرسینه: «استا، امانت چکار ونه هاکنیم؟» ۱۳ ویشونه بائوته: «از اونچه که قرار هسه، ویشتر مالیات نیرین.» ۱۴ سربازها هم ونجه بیرسینه: «امان چکار هاکنیم؟» یحیی بائوته: «بزور کسی جه پول نیرین و هیچ کس ره تهجت نرین و به شه حقوق قانع بوئین.»

۱۵ مردم مشتاقانه منتظر بینه، شه پلی فکر کردنه و گاتنه «آیا ممکن هسه یحیی همون مسیح بوئه؟» ۱۶ جواب یحیی به همه ویشون این بی‌یه: «من شما ره با اوو تعمید دمه، اما اِتا نفر مچه گتتر انه که من لیاقت ندارمه حتی ونه بند کُش ره واز هاکنم. وه شما ره با روح خدا و تَش تعمید دنه. ۱۷ وه شه کج بیل ره شه دست دله داننه تا شه کسوره پاک هاکنه و گندم ره شه اِنبار دله ذخیره هاکنه. اما کمل ره با تَشی که خاموش نوونه، سوزنده.» ۱۸ و یحیی با خله پندها مردم ره بشارت داده. ۱۹ اما وقتی هیرودیس حاکم، بخاطر رابطه با هیرودیا، شه برارزن و هم کثافت‌کاریهای دیگه‌یی که هاکارده بی‌یه، از طرف یحیی توبیخ بیه، ۲۰ یحیی ره زندان دله دمدا و اینتی خطایی دیگه بر شه خطاها اضافه هاکارده.

## تعمید و اصل و نسب عیسی

۲۱ اون زمان که همه مردم تعمید گتینه، عیسی هم تعمید بیته. در همون موقع که وه دِعا کارده، آسمون واز بییه ۲۲ و روح خِدا اِتا کَوِتر واری ونه سر هِنیشته و صدابی آسمون جه بی‌یموهه که گاته: «ته هسی مه جانِ ریکا و من ته جه راضی هسِمه.»

۲۳ عیسی حدود سی ساله بی‌یه که شه خدمت ره شروع هاکارده. وه به گمان مردم یوسف ریکا بی‌یه و یوسف هلی ریکا بی‌یه، ۲۴ هلی مَتَّات ریکا بی‌یه، مَتَّات لاوی ریکا بی‌یه، لاوی مِلکی ریکا بی‌یه، مِلکی یِنَّا ریکا بی‌یه، یِنَّا یوسف ریکا بی‌یه، ۲۵ یوسف مَتَّاتیا ریکا بی‌یه، مَتَّاتیا عاموس ریکا بی‌یه، عاموس ناحوم ریکا بی‌یه، ناحوم حِسللی ریکا بی‌یه، حِسللی نَجّی ریکا بی‌یه، ۲۶ نَجّی مَعَت ریکا بی‌یه، مَعَت مَتَّاتیا ریکا بی‌یه، مَتَّاتیا سِمعین ریکا بی‌یه، سِمعین یُسبک ریکا بی‌یه، یُسبک یهودا ریکا بی‌یه، ۲۷ یهودا یوحَنان ریکا بی‌یه، یوحَنان رِسا ریکا بی‌یه، رِسا زروبابل ریکا بی‌یه، زروبابل شِلتیشیل ریکا بی‌یه، شِلتیشیل نیری ریکا بی‌یه ۲۸ نیری مِلکی ریکا بی‌یه، مِلکی اَدی ریکا بی‌یه، اَدی قوصام ریکا بی‌یه، قوصام اِلمادام ریکا بی‌یه، اِلمادام عیر ریکا بی‌یه، ۲۹ عیر یوشع ریکا بی‌یه، یوشع العازار ریکا بی‌یه، العازار یوریم ریکا بی‌یه، یوریم مَتَّات ریکا بی‌یه، مَتَّات لاوی ریکا بی‌یه، ۳۰ لاوی شَمعون ریکا بی‌یه، شَمعون یهودا ریکا بی‌یه، یهودا یوسف ریکا بی‌یه، یوسف یونام ریکا بی‌یه، یونام اِلیاقیم ریکا بی‌یه، ۳۱ اِلیاقیم مِلیا ریکا بی‌یه، مِلیا مِتا ریکا بی‌یه، مِتا مَتَّاتا ریکا بی‌یه، مَتَّاتا ناتان ریکا بی‌یه، ناتان داوود ریکا بی‌یه، ۳۲ داوود یَسا ریکا بی‌یه، یَسا عوبید ریکا بی‌یه، عوبید بوَعز ریکا بی‌یه، بوَعز سَلمون ریکا بی‌یه، سَلمون نَحشون ریکا بی‌یه، ۳۳ نَحشون عَمیناداب ریکا بی‌یه، عَمیناداب رام ریکا بی‌یه، رام حِصرون ریکا بی‌یه، حِصرون فِرِص ریکا بی‌یه، فِرِص یهودا ریکا بی‌یه، ۳۴ یهودا یعقوب ریکا بی‌یه، یعقوب اسحاق ریکا بی‌یه، اسحاق ابراهیم ریکا بی‌یه، ابراهیم تارَح ریکا بی‌یه، تارَح ناحور ریکا بی‌یه، ۳۵ ناحور سِروج ریکا بی‌یه، سِروج رعو ریکا بی‌یه، رعو فِلج ریکا بی‌یه، فِلج عِبر ریکا بی‌یه، عِبر شِلخ ریکا بی‌یه، ۳۶ شِلخ قینان ریکا بی‌یه، قینان اَرَفکَشاد ریکا بی‌یه، اَرَفکَشاد سام ریکا بی‌یه، سام نوح ریکا بی‌یه، نوح لَمِک ریکا بی‌یه، ۳۷ لَمِک مَتوشالِح ریکا بی‌یه، مَتوشالِح خَنوخ ریکا بی‌یه، خَنوخ یارد ریکا بی‌یه، یارد مَهَلکتیل ریکا بی‌یه، مَهَلکتیل قینان ریکا بی‌یه، ۳۸ قینان اَنوش ریکا بی‌یه، اَنوش شِیت ریکا بی‌یه، شِیت آدم ریکا بی‌یه، آدم خدا ریکا بی‌یه.